

# Powšitkowne WOZJEWJENJA

njedźelu, 13. decembra 2015

## Nyšpor z wotewrjenjom Swjatyh wrotow

Wšitcy wěriwi su třecu adwentnu njedźelu, 13. decembra, w 14 hodź. k nyšporu do Róžanta přeprašeni. Na nim wotewru so Swjate wrota Lěta smilnosće.

## Adwentny nyšpor z piščelowej hudźbu

Organist Drježdźanskeje katedrale Johannes Trümpler wuhotuje tutu njedźelu, 13. decembra, w 16.30 hodź. piščelowy nyšpor w cyrkwi klóštra Marijineje Hwězdy w Pančicach-Kukowje. K tomu přeprašuju abatisa, sotry a přečelski kruh klóštra. Johann Sebastian Bach, Charles-Marie Widor, Johannes Weyrauch, Gunther Martin Göttsche, Siegfried Karg Elert a Alexandre Guilmant su komponisća twórbow, koterž piščeler zanjese.

## Kubłanske dny serbskeje młodžiny w Kopańcach

Pod heslom „Štó je mój bliši?“ přeprašujemy młodostnych wot 14 lět na kubłanske dny. Wone budu wot pjatka do njedźele, 8. do 10. januara, w Kopańcach (Neuhausen). Wočakuja was Boža mša a duchowne impulsy, film a kreatiwita, zabawa a spěw. Přinošk zběra so wotpowědnje dochodow młodostneho – za šulerjow 30 eurow, wučomnikow a studentow 32 eurow a wuwučenyh 36 eurow. Přizjewjenja přijimuju so hač do pónđzele, 14. decembra, w Dekanatnym dušepastyrstwie we Worklecach pod telefonowym čisłom 03 57 96 (9 55 95), z mailku na don.boskowy-dom@t-online.de. abo přez facebookowu stronu dekanatneje młodžiny. Wjeselimy so na Was! *Leńka a Lucija, młodžinskej referentce, a dekanatny kružk*

## TCM – „Łužica pomha“ prosy wo dary za Rumunsku

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ nuzu ćerpjace a chude džěci w zetkawanskim domje „Kerekudvar“ w rumunskim měšće Kereszturu podpěrać. K tomu je Katolski Posoł njedźelu, 29. nowembra, wobšěrny přinošk wozjewił. TCM prosy wěriwych wo šcedriwe dary na konto Cyrill-Methodius-Verein e.V. IBAN: DE 65 750 90 300 000 828 23 66, BIC GENODEF1M05, pod heslom „Rumunská“.

*J. Špitank, předsyda TCM*

## Přiležnosć k swjatej spowědži w Róžeńce

wutoru, 15. decembra  
18.30 – 19.30 hodź.

farar G. Wornar, farar M. Anders,  
farar G. Nawka, farar J. Magiera

sobotu, 19. decembra  
17.00 – 18.00 hodź.

farar M. Anders, farar M. Kleiner,  
kapłan G. Malinowski, farar M. Ulrich

wutoru, 22. decembra  
18.30 – 19.30 hodź.

farar M. Anders, farar M. Nawka,  
tach. farar W. Sćapan, farar D. Dzikiewicz

## Za Swětowe zetkanje młodźiny so přizjewić

Serbscy młodostni podadźa so klětu zhromadnje na Swětowe zetkanje młodźiny do Krakowa. Tute wotměje so wot 20. do 31. julija. Přizjewić měli so k tomu najpozdźišo hač do 20. januara 2016 z formularom. Tute su w cyrkwjach wupoložene. Samsny formular je pod [www.posol.de](http://www.posol.de) wozjewjeny. Wšitke nadrobne informacije su na tutej flajerach tohorunja podate.

## Silwester hudźbny nyšpor w Baćonju

„Do Božeje smilnosće so podač“ chcemy so na hudźbnym nyšporje štwórtk, 31. hodownika, w 19 hodź. w Baćońskej cyrkwi. Wo hudźbne wobrubjenje postara so chór přiwuznych młodych spěwarkow a spěwarjow wokoło Jadwigi Kaulfürstoweje. K parkowanju awtow přewostaji swójba Donatec swój twarski dwór. *Baćońska wosada Jězusoweje wutroby*

## Hodowny hudźbny nyšpor w Róžeńće

Chór Lipa wuhotuje njedźelu, 27. hodownika, w 17 hodź. w Róžeńčanskej cyrkwi hodowny hudźbny nyšpor. Na nim zaklinča serbske hodowne spěwy kaž tež wurězki z liturgije op. 41 P. I. Čajkowskeho. Zběrka při durjach budže za hnadownu cyrkej. Wšitcy lubowarjo hodownych zynkow su wutrobnje přeprošeni.

## Hodownej koncertaj w Radworju

Swojej hodownej koncertaj wuhotuje chór Meja wutoru, 29. decembra, dwójce w Radworskim hosćencu „Meja“. Jako hosći su sej Mejenjo młodźinski chór Ralbičanskeje wosady přeprošili. W lětušim programje su hodowne spěwy runje tak zapřijate kaž zymske, wšelake „stare“ a tohorunja moderne pěsnje. Prěni koncert w swětle swěčkow budže w 16.00 hodź. Swačina so wot 15.15 hodź. poskići. Dalši koncert wuhotuje so w 19 hodź. Přizamknu so reje. Wšitcy su wutrobnje do Radworja přeprošeni.

## Putniskej jězbje do Roma a do Grjekskeje

W Swjatym lěće miłosće přeprošuju zajimcow klětu na putnisku jězbu z lětađom do Roma, a to wot njedźele do štwórtka, 11. do 15. septembra. Dalša putniska jězba z lětađom po-wjedže kónc meje do Grjekskeje, dokładny termin so hišće wozjewi. Nadrobniše informacije dóstanjeće pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

## Pytaja hojenskeho hladarja a kublarja

Dom swjateho Jana w Smječkecach pyta sobudžělačerja z kwalifikaciju hojenskeho hladarja a kublarja (Heilerziehungspfleger) abo chorobnu sotru respektiwne hladarja z wolu, žadanu kwalifikaciju nachwatać. W Janskich kupjelach bydla duchownje zbrašeni ludźo, kotrychž tam zastaruja a spěchuja. Pisomne požadanje njech pósćelu zajimowani na adresu: Christliches Sozialwerk gGmbH; Janska kupjel 1, 01920 Worklecy.